

## **BASES REGULADORAS DO PROGRAMA “DESCUBRINDO AS RÍAS DE GALICIA” CAMPAÑA 2018**

### **INFORMACIÓN XERAL**

#### **1. ANTECEDENTES**

A Asociación Galega de Actividades Náuticas (AGAN+) agrupa empresas do sector náutico de toda Galicia. É unha asociación sen ánimo de lucro creada no ano 1999. Figura no Rexistro Central de Asociacións da Comunidade Autónoma de Galicia número 20.377.

Neste momento AGAN+ colabora a nivel rexional coa Xunta de Galicia (Portos de Galicia, Axencia Turismo de Galicia, a Dirección Xeral de Desenvolvemento Pesqueiro da Consellería do Mar, a Fundación Deporte Galego, e o Parque Nacional Illas Atlánticas) e a nivel Europeo coas principais rexións e entidades náuticas do Atlántico (Junta de Andalucía, Rexión da Bretaña, Nautisme Bretaña, ...)

Un dos seus obxectivos é achegar o mar e a náutica a novos colectivos, sobre todo dende unha perspectiva cultural e como destinos náuticos patrimoniais. Para elo, a través do proxecto europeo ECODESTIN creáronse no ano 2016 unha serie de circuitos náutico culturais que permiten coñecer os concellos e o seu patrimonio dende as rías e ríos. Eses itinerarios foron validados polo Comité de Expertos como produtos turísticos náutico culturais Ecodestin. No ano 2017 varios deses itinerarios puxéronse no mercado a través dos seus operadores e foron probados con grande éxito en asociacións. Algúns deles tamén foron certificados coa carta de calidade europea NEA de cruceiros costeiros.

AGAN+ considera que estas rutas e itinerarios náutico culturais por escalas son unha axuda para aumentar o valor engadido propio dos portos e integralos nos municipios que os acollen mesturando o mar e a terra para conseguir ser un polo de atracción que sirva como escaparate e porta de entrada dun turismo de calidade, nacional e internacional que beneficie aos diversos sectores.

#### **2. DESCRICIÓN DO PROGRAMA**

A Asociación Galega de Actividades Náuticas (Agan+) coa participación das empresas náuticas que se comprometeron a promover estes itinerarios náutico culturais por escalas Ecodestin, decide crear para este ano 2018 un programa para achegar as rías de Galicia á poboación galega. Este programa aproveita as rutas náuticas culturais co selo Ecodestin ou outros selos de calidade e denomínase “Descubriendo as Rías de Galicia”

Neste programa inclúense unha serie de itinerarios náutico culturais por escalas que permiten coñecer as vilas e concellos galegos e o seu patrimonio natural e cultural dende as rías e ríos con portos saída/escala principalmente pertencentes a Portos de Galicia e con selos de calidade. AGAN+ porá a disposición das asociacións de Galicia a lista de itinerarios e o programa as datas dispoñibles para a campaña 2018 a través da web de [www.aganplus.org](http://www.aganplus.org).

Esta programa trata de ser unha nova iniciativa que promova un modelo de desenvolvemento do litoral e da cultura achegando nunha primeira fase as asociacións de persoas maiores e as asociacións de mulleres a cultura do mar e ó seu patrimonio.

### **3. ENTIDADES BENEFICIARIAS E PRAZAS DISPOÑIBLES**

Na estratexia de marketing deseñada no proxecto Ecodestin establécense unha serie de asociacións e colectivos que son público obxectivo para os itinerarios náutico culturais. Nunha primeira fase estes itinerarios deberán darse a coñecer a asociacións pertencentes ás comarcas das Rías Baixas e limítrofes do interior (provincias de Pontevedra, A Coruña e Ourense) para axudar a afianzar o posicionamento da eurorexión nos mercados locais.

As entidades potencialmente beneficiarias na campaña 2018 serán aquelas asociacións formadas principalmente por membros pertencentes ós seguintes colectivos:

- Maiores de 55 anos
- Mulleres

### **4. DURACIÓN E ALCANCE DO PROGRAMA. CAMPAÑA 2018**

A campaña iniciarase en xuño e rematará o 31 de outubro. As asociacións interesadas poderán consultar no teléfono da secretaría do programa as datas dispoñibles en cada momento que e irase actualizando a medida que vaian sendo bloqueadas para asociacións beneficiarias.

Calquera modificación das datas será publicada na web [www.aganplus.org](http://www.aganplus.org) para a súa consulta

### **5. QUE INCLUE O PROGRAMA**

O programa inclúe un saída de día completo en Ferry/Catamarán por un itinerario náutico cultural, homologado por Agan+ e realizado por unha empresa especializada e acreditada para prestar estes servizos.

O barco é un ferry/catamarán que ten capacidade para 150 persoas. Para estas saídas restrínxese a 55 persoas para que o servizo de restauración ofrecido cumpra coas calidades que se esperan dun restaurante a bordo.

A duración total dos itinerarios náutico culturais é de 8 horas. (Sen contar co desprazamento ata o punto de embarque en autobús).

Servizos que inclúe:

1. Dúas escalas en terra
2. Aperitivo ou café a bordo
  - Servizo de restaurante a bordo:
    - Entrante
    - Primeiro prato

- Segundo prato
- Sobremesa
- Augas e viños de denominación de Orixe de Galicia
- Guía no barco para explicación do patrimonio natural e cultural dende o mar
- Guía en terra para as visitas nas escalas.
- Tickets e accesos a museos ou centros de interpretación (segundo itinerario elixido)

Opcional: servizo de autocar para o desprazamento ata o lugar de embarque.

## 6. PRESENTACIÓN DE SOLICITUDES

Aquelas asociacións interesadas poderán inscribirse a través do formulario que se porá á súa disposición na web [www.aganplus.org](http://www.aganplus.org). Como regra xeral só se admitirá unha solicitude por asociación. Na solicitude deberán indicar os dous meses prioritarios para levar a cabo a saída no caso de ser seleccionado. Para facilitar a inscrición poderase contar coa asistencia telefónica da Secretaría do programa.

As solicitudes serán tidas en conta p

O prazo de presentación de solicitude estará aberto durante a duración do programa ata que non existan datas dispoñibles.

AGAN+ decidirá quincenalmente, sempre que exista un mínimo de solicitudes, a cales concede o prezo bonificado.

Para máis información pódense poñer en contacto coa secretaría do programa que xestiona Agan+ no teléfono: 91 005 27 08 e no enderezo electrónico [evento@aganplus.org](mailto:evento@aganplus.org)

## 7. PROCEDEMENTO DE SELECCIÓN

A selección das asociacións que poderán beneficiarse do prezo bonificado será realizada polo Comité de Expertos e Certificación de Agan+, de conformidade cos seguintes criterios:

1. Porcentaxe de asociados que nunca participaran nun itinerario náutico cultural.
2. Municipios pertencentes á provincia de Pontevedra e ás comarcas limítrofes de A Coruña e de Ourense.
3. Porcentaxe de maiores de 55 anos.
4. Porcentaxe de mulleres.

As entidades seleccionadas recibirán comunicación oficial dende o correo [evento@aganplus.org](mailto:evento@aganplus.org) e a secretaría porase en contacto para establecer a data concreta para levar a cabo a saída. Nesta comunicación tamén se concretará a forma de realizar o pago..

## 8. BONIFICACIÓN E CUSTE POR PERSOA/GRUPO

O Programa busca achegar novos colectivos á náutica e á súa cultura permitindo ofrecer ás asociacións de Galicia unha nova forma de coñecela dende o mar.

Froito dese compromiso, a AGAN+, as empresas operadoras homologadas e outros patrocinadores, realizan unha aposta e un esforzo para ofrecer a prezos reducidos e bonificados estes itinerarios, con descontos de entre o 50% ao 70% sobre o PVP de 45,00 € quedando:

Prezo bonificado (Desconto do 70%):

- 19,90 €/persoa no caso de precisar autobús.
- 12,00 €/persoa no caso de non precisar autobús (punto de encontro: Porto de saída)

Prezo reducido (Desconto do 50%)

- 29,90 €/persoa no caso de precisar autobús.
- 22,00 €/persoa no caso de non precisar autobús (punto de encontro: Porto de saída)

O grupo terá que estar formado entre 45 e 55 persoas.

## 9. PROTECCIÓN DE DATOS

As entidades solicitantes autorizan a incorporación dos datos recollidos no formulario de inscrición nos ficheiros da entidade promotora do programa e asociación sen ánimo de lucro, Agan+, para este programa ou outros semellantes que se lle poidan ofrecer á asociación solicitante.

Para exercer os dereitos establecidos na LOPD dirixirse mediante correo electrónico ao enderezo [secretaria@aganplus.org](mailto:secretaria@aganplus.org).

## 10. OBRIGACIÓN DAS ENTIDADES SOLICITANTES E COLABORACIÓN NA DIFUSIÓN DA NÁUTICA DE GALICIA

As entidades solicitantes cumprirán as seguintes condicións:

1. Aboar o importe corresponden ás prazas confirmadas coa secretaría do programa mediante correo electrónico (mínimo 45 persoas).
2. Serán admitidos, sen custe, ata un máximo de 10 menores de 12 anos, sempre e cando o grupo estea formado por 45 adultos. Os menores de idade sempre deberán ir acompañados de representante ou titor legal.

O sector náutico de Galicia e a Asociación Galega de Actividades Náuticas, Agan+, consideran que debido ao esforzo realizado polo operadores para ofertar este prezo é preciso que as asociacións beneficiadas desta promoción dean difusión a esta campaña e á náutica galega dalgunha das seguintes formas:

1. Publicación do banner do portal náutico de Galicia [www.nauticdestination.com](http://www.nauticdestination.com) na web da asociación.
2. Publicación de fotografía ou comentarios nas redes sociais da asociación beneficiaria.
3. Realizar unha comunicación electrónica ou en papel aos seus asociados sobre este programa ou outros que se lle puideran ofrecer.